



Na osnovu člana 2.9 stav (1) tačka 11, člana 5.22 stav (2) i člana 5.25 stav (1) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20), a u vezi člana 62. Pravilnika o provođenju izbora u Bosni i Hercegovine ("Službeni glasnik BiH", br. 25/20, 38/20, 63/20, 70/20 i 72/20), Centralna izborna komisija Bosne i Hercegovine je na 113. sjednici, održanoj 27.12.2020. godine, d o n i j e l a

N A R E D B U

(1) Nalaže se Glavnom centru za brojanje da izvrši brojanje glasačkih listića i utvrdi rezultate izbora sa redovnih biračkih mjesta u Mostaru, kako slijedi:

- a) za nivo gradske izborne jedinice-199 na biračkom mjestu 155A014:
 - 1) brojanje glasačkih listića po političkim subjektima i
 - 2) utvrde broj nevažećih praznih glasačkih listića i broj nevažećih glasačkih listića po drugim kriterijima;
- b) za nivo izborne jedinice gradskog područja 2 (Stari Grad)-155 na biračkom mjestu 155A001A:
 - 1) brojanje glasačkih listića po političkim subjektima i
 - 2) utvrde broj nevažećih praznih glasačkih listića i broj nevažećih glasačkih listića po drugim kriterijima;
- c) za nivo gradske izborne jedinice-199 na biračkom mjestu 155A013:
 - 1) brojanje glasačkih listića po političkim subjektima,
 - 2) utvrde broj nevažećih praznih glasačkih listića i broj nevažećih glasačkih listića po drugim kriterijima i
 - 3) brojanje i utvrđivanje broja glasova za kandidate političkog subjekta „Ostajte ovde - zajedno za naš Mostar“;
- d) za nivo izborne jedinice gradskog područja 5 (Jugozapad)-153 na biračkom mjestu 153A006:
 - 1) brojanje glasačkih listića po političkim subjektima i
 - 2) utvrde broj nevažećih praznih glasačkih listića i broj nevažećih glasačkih listića po drugim kriterijima;
- e) za nivo izborne jedinice gradskog područja 5 (Jugozapad)-153 na biračkom mjestu 153A003:
 - 1) brojanje glasačkih listića po političkim subjektima i
 - 2) utvrde broj nevažećih praznih glasačkih listića i broj nevažećih glasačkih listića po drugim kriterijima;
- f) otvaranje vreće sa prebrojanim glasačkim listićima sa biračkog mjesta 153A003 za nivo izborne jedinice gradskog područja 5 (Jugozapad)-153 i utvrditi da li se u istoj nalaze glasački listići za nivo gradske izborne jedinice-199, te ukoliko se pronađu, ove glasačke listiće prebrojati, utvrditi rezultate i iste uvrstiti u rezultate tog nivoa za ovo biračko mjesto i
- g) otvaranje vreće sa prebrojanim glasačkim listićima sa biračkog mjesta 155A027 za nivo izborne jedinice gradskog područja 2 (Stari Grad)-155 i utvrditi da li se u istoj nalaze glasački listići za nivo gradske izborne jedinice-199, te ukoliko se pronađu, ove glasačke listiće prebrojati, utvrditi rezultate i iste uvrstiti u rezultate tog nivoa za ovo biračko mjesto.

(2) Brojanje i utvrđivanje rezultata izbora iz stava (1) ove naredbe izvršit će se dana 28.12.2020. godine u 10,00 sati u Glavnom centru za brojanje u Zetri, Sarajevo.

(3) Brojanje i utvrđivanje rezultata izbora iz stava (1) ove naredbe izvršiti u skladu sa odredbama Pravilnika o provođenju izbora u Bosni i Hercegovini i Pravilnika o organizaciji rada i utvrđivanju rezultata glasanja u Glavnom centru za brojanje za Lokalne izbore 2020. godine ("Službeni glasnik BiH", broj 73/20).

(4) Nakon izvršenog brojanja i utvrđivanja rezultata izbora iz stava (1) ove naredbe, Glavni centar za brojanje će obrasce sa utvrđenim rezultatima dostaviti glavnom kontroloru za obradu, unos i potvrdu rezultata glasanja za Lokalne izbore 2020. godine na daljnje postupanje.

(5) Akreditovani posmatrači za navedena biračka mjesta političkih subjekata koji se pojavljuju na glasačkom listiću za koji se vrši brojanje i utvrđivanje rezultata izbora, mogu biti prisutni u toku brojanja kao i akreditovani posmatrači za Glavni centar za brojanje.

O b r a z l o ž e n j e

Glavni kontrolor za obradu, unos i potvrdu rezultata glasanja za Lokalne izbore 2020. godine u Mostaru podnio je Centralnoj izbornoj komisiji BiH izvještaj o utvrđenim nepravilnostima prilikom objedinjavanja izbornih rezultata za Lokalne izbore 2020. godine u Mostaru, iz kojih razloga predlaže brojanje glasačkih listića na način kako je utvrđeno u stavu (1) ove naredbe.

Imajući u vidu naprijed navedeno, a u interesu zaštite izbornog prava i da bi Centralna izborna komisija BiH utvrdila izborne rezultate Lokalnih izbora 2020. godine u Mostaru, a na osnovu činjenica koje opravdavaju ponovno brojanje naredila je brojanje glasačkih listića u cilju objedinjavanja izbornih rezultata u Mostaru.

Pravna pouka: Protiv ove naredbe nije dozvoljena posebna žalba.

Broj: 05-1-07-11-1934-16/20
Sarajevo, 27.12.2020. godine

Dostavljeno:

- Glavnom centru za brojanje
- Akreditovanim posmatračima putem političkih subjekata
- Skladište Centralne izborne komisije BiH
- a/a

